

parkipiya za ku rinnangeran mukuwa muzazangiya

“ maranger ku mukuwa kanizu na marikatrakattras za saleman misama’  
za saya na atras na ruma’! ” “ maranger ku mukuwa i Selinyēse! ”

“ maranger ku mkuwa kanizu na kivantavangan i itras kana zanam! ”

“ maranger ku mukuwa i ...”

kazi Vutrulr Yayu na palrivak na takesiyan temakesi kana pukaanem  
lra a muketrep misama’ za sasa na temakakesi, kauniyanan za  
upatrataranan mukuwa muzazangiya. nazu papiya maranger palralrepus  
pakangaway kanini na takakesiyan mukuwa kivantavanga kanantu zekalr ni  
Lilawse. nazu mapiyapiya ’azi mianger za mazayazayar mu markasemangal  
zi nantu rinangeran mukuwa mu marekasazu, maw mu tu yupaw nantu  
dadeer mu, na sasa trau mu adalrep lra sakuzaw, kazuwan na ’azi kararuwa  
pupatraran kanini na paisu.

ulra trau a maranger kipulralrang kana gokosiyo, maw mu, i  
Lilawse ’azi muwai. marengay intaw mu “ na paisu ’azi mutatani kemay  
rukup, naku anger mu, inmu na temakakesi kurtalrased kanamu kezan, zi  
parkipiyayu namu rinanger palrepus kanamu takakesiyan mukuwa  
muzazangiya. ”

maw izu na puteha lra i Lilawse mareanger, pakalikuzan lra mu na sinisi  
zi na temakakesi salangan kemuret za na sasing, na zenga zi maw na  
vinavalrayan kani Vutrulr tu ikavavulay tu dawayaw za sa’etriv za valray tu  
niwananay parazuk kanantu paaisu. nu medek kana katalaulepan na wari  
mu, i Lilawse mu mada kanantu iveray na trau na kamēra, tu adayaw na  
temakakesi zi mukuwa maya’a kana vulay kaziyua i Vutrulr, tu siyasingaw.  
ulra na trau na zemenga kana maresan kana manto na zenan zi maw na  
maresan kana tedek na zenan yi!

nazu na temakakesi tu parelrawa’aw tu kiyakarunan zi tu  
parpukasakasayaw, mavangavang lra papiya semasasing venavalray za  
nana’uwan, pakalrang za pida ’ilras mu, muparekipiya lra kanizu na sa’etriv  
na nana’uwan na valray-, kazu kana wanglu mukuwa paciymung. nava lra  
na milramanan na wangyou salaw pulralrang, ’azi telu wariyan mu, tu  
par’araway mutrima’ izu na makanemen leman ’etriv.

kaanem ’ilras, nanni na temakakesi puteha lra kanantu wazangiyan za  
muketrep misama’ za lruwatr wariyan, sazu lra tu inada parvavuliyasen  
mianger zi maw nantu pinakalangan, maruwa parkipiya kanantu angeanger.

## 圓夢之旅

「我想去 101 大樓！」「我想去士林夜市！」「我想去水上樂園！」「我想去鹿港老街！」

蘭嶼椰油國小學生，平常少有機會出門旅遊。大家想在畢業前，到李老師的家鄉玩。沒想到越討論越多地方想去，但每個人的旅費將近一萬元，許多學生根本拿不出來。

有人想請鄉公所補助這筆經費，但李老師不同意。他希望學生能靠自己的力量完成畢旅的夢想。

最後師生共同決定以照片、圖畫和文字來記錄蘭嶼之美，做成手札來籌募費用。假日時老師使用募得的二手數位相機，帶著學生捕捉蘭嶼美景。還有人畫了「饅頭山」和「屁股山」！

大家分工合作，拍照、寫文章，費了好幾個月完成了蘭嶼小朋友的人文手札—我的蘭天嶼天，在網路上開放預訂。起初只有十幾本訂單，擔心畢旅會落空；幸好網友不斷轉貼而得到很大的迴響，不到三天，六百本手札就搶購一空。

「台灣，我來了！」六月來臨。學生們展開十五天的旅行，他們帶回很多回憶和體驗，更實現了自己的夢想。